

光緒永嘉縣志

永嘉縣志卷之七

學校志

學宮

甌之有學宮舊矣嘉靖浙江通志謂晉太_康初立永嘉郡學於華蓋山麓似今之縣學卽晉之郡學址矣邑號小鄒魯自宋迄明名臣理學氣節文章彪炳史冊非聖教涵濡何以致此舊志於府學特詳今粗舉大端別於郡志也至配饗賢儒近數十年來增祀者多位次互易則詳著之樂章之設載在會典久同告朔之羊今諸生大都嫻習節奏鏗鏘則補錄之恐有司失其傳也若夫文武學額視昔有

加書院義塾猶黨庠術序遺意故並著於錄以備稽考而
附於廟學之後

府學 舊在州治東宋天禧三年知州葉温遷於九星宮

故址在瑞安門內大街東卽今廟學也

詳府志

縣學 在縣治東華蓋山麓宋元祐三年縣令吳君平始

建紹定間縣令洪備於廟後建學元縣尹蕭玉宋也先

王安貞相繼改建

萬曆府志

延祐元年燬二年縣尹何玉作

禮殿五年縣尹王貢作門廡講堂至順二年尹趙塔納

終成之

見柳貫永嘉縣新學記詳金石案嘉靖通志載延祐元年縣尹何玉趙塔納重建誤

洪武元年知府湯遜知縣韓鈞修闕二十八年知縣李

廷珪創先賢祠西南闕成營地通興文街

萬縣志

教諭張孟儀

永嘉縣儒學新修廟學記

永嘉溫之屬邑也

其學在華

蓋山右元延祐甲寅災縣尹趙公敬叔重建於至順辛

未前廟後學門廡齋舍悉備太常寺博士柳公道傳嘗

誌於石始末可考焉歷歲滋久日寢弛圯內附後朝廷

詔天下郡縣開設學校時有司修葺講堂及櫺星門而

已迨今二十餘年大成殿戟門以風雨飄搖蟲蟻侵蝕

雖未至顛覆殆不可支矣洪武戊辰夏予來典學事竊

嘗病之倡議與修往往有司視爲不急之務尼而不行

乙亥春浙江海右道行按察使事國子監生延珪等行

部至郡首詣府廟學謁先聖先師勉勵諸生次至縣學

顧瞻禮殿戟門慨然興歎乃進有司官僚及師弟子員

謂曰學校風化之所自出而衰敝若是豈聖朝尊師重

教之意耶宜急圖之知縣羅川李廷珪感然曰責實在

某典史萊陽張志能議亦克協乃各捐俸資倡之吾黨

之士洎鄉之好誼者咸出財以相其役於是鳩工聚材

瓦甃丹堊繼悉畢備凡棟楹椽桷之腐且撓者上蓋下

甃之缺敗者其間塗飾之漫漶者更而新之不失舊觀

仍闢先賢祠於戟門內立學門於戟門東偏又立守神

祠於學門東齋廡庖福有未備者亦完之西南逼於成營巷隘不容旋馬於廟學弗稱至是闢而廣之西接通衢立坊於其所名曰進賢氣象宏壯踰於曩昔肇役於是年五月望日越兩月告成諸生喜而言曰是役也公無所損民不告勞其有功於名教如此蓋立石以紀之予謂學校之設所以明倫理也倫理明則賢才興賢才興則風俗厚此唐虞三代所以致雍熙泰和之治也宋興崇尚文教是邦僻在海隅號小鄒魯流風餘響迨今猶存夫豈偶然哉欽惟皇明混一海宇稽古出治教化所及翕然丕變餘是譽髦之士彬彬輩出而任風紀師師之寄者皆祇承德意以興起斯文爲事故余與諸生獲處於斯以講習先聖之道又安敢忘其所自也書曰惟教學半念終始典於學厥德修罔覺詩曰肆成人有德小子有造予與諸生勉之是爲記洪武二十九年龍集丙子十月

永樂壬辰知縣聶中繼而修之

據范忠記補

宣德元年颶風毀廟廡邑人戴文堡林斐黃福昌同建

知府何文淵爲記

萬厓府志

按下甲寅碑記此疑有誤

九年知府何文

淵修

舊志佚

教諭范忠新修永嘉縣儒學記溫郡負

興廢

莫能悉聖朝混一海宇洪武戊申間郡守湯侯遜

仍作而新之厯四十年乃宣德丙午夏五月颶風起海

繼而修之又十有三年乃宣德丙午夏五月颶風起海

上板木揚沙石民居官宇十仆其二三而廟學僅存門

廡傾圮蓋無遺矣有司雖勤修葺而功弗竟歲庚戌郡

守何侯以名進士拜監察御史才德著聞用宰執之薦

捧壘書來治於溫自下車以來政通人和百廢具興願

瞻邑學校獨比弗治大思無以稱上旨乃進師生而謂之

日學校以敷宣教化作興賢良必宏其規模以爲施教

之地非所以誇美不如是不足以攝情慢教鄙薄矣今

者廟學門廡傾圮若是將何以副皇上崇儒重道之意

耶宜亟圖之於是邑宰以下及鄉人邵資嚴廉輩聞命

咸願出已帑致助以董其事於是鳩工庀材剔腐易堅

闢隘以隆禮殿門廡丹雘聖舉以其度比之舊觀爲

尤偉焉其東西廡從祀先賢儀像嚴乎其容肅乎其位

濟濟如也復建先賢祠於廡之西南經始於甲寅春三

月一日落成於是年秋七月二十七日廟學既新諸生

學宮

學宮

學宮

學宮

學宮

合詞而進之曰侯之德我士屬厚矣是役也公無所損
民不告勞其有功於名教若此蓋立石以記其將來余
惟詩所謂豈弟君子合德來教侯之謂也賢侯能倦倦
以學校爲心而獨知所先務是可嘉也已矧夫永嘉在
昔號小鄒魯之邦其名賢明哲若周公行己劉公安節
安上伯仲輩親承伊洛性命之傳至今流風餘韻代有
其人諸士尙當相規相誨陶成乎詩書興起於禮樂出
以輔成一代文明之治而齒美乎前修則足以副侯之
所望其於學校爲有光矣侯名文淵江西建昌府廣昌
縣人故爲述其事而併係之以詩詩曰大哉宣聖萬世
之師明明廟學教化所基聖皇御極於昭緝熙大道之
行粹乎其時人存政舉何侯實宜一邑忠信四方則之
斯文興起咸口在茲賢良迭出鸞翥鳳儀能知所先
是爲賢守勒辭穹碑用垂不朽宣德甲寅孟秋吉日正
統二年知縣周紀修萬麻府志邑人黃淮重修永嘉縣廟學記溫郡城內外有九山晉
郭璞以爲上應北斗城東山曰華蓋星之次爲文曲縣
學在其麓人咸謂據得其地未知然否也廟學建有年
興廢不一近歲颶風大作頽弊滋甚前太守侍郎何公
經理修葺功將就緒而公有陞摧之命未幾廟學復爲

風所撓門廡加損禮殿梁棟亦就欹仄正統丁巳春今
太守劉公謙判府劉公寬推府宮公安暨幕僚黃珩等
來視學太守公顧而歎曰廟學緝理未久而圯廢若是
茲乃督役者不能致敬謹有負侍郎何公之美意若復
因循歲月必致摧敗而不可舉矣衆皆合辭交贊亟命
鳩工庀材擇日興作知縣周紀縣丞方珍主簿周輔典
史黃榮承命唯謹委訓導沈恂王遠暨生員劉罕金道
進楊安董其事慎選耆士徐生葉宗輝副之朽腐者易
以堅良折侈者加以積密丹塗墜羣工並施禮殿像
設繪飾莊嚴兩廡配享舊畫壁間漫漶莫辨今乃埏土
肖像冕服悉依其舊改創文昌先賢二祠於中門之右
興文祠於學門之左閱三月訖工以八月丙寅日舍菜
告成淮亦忝預班列徘徊顧瞻金碧璀璨照映林谷華
益若增而高文曲之星流輝炳耀視昔有加矣訓導及
諸生李宗田等相與言曰斯役也不獨易廢爲興抑且
增其未備於以妥安聖靈休庇生徒扶植斯文之功大
矣盍謀伐石登載垂示將來因屬筆於淮俾爲之記淮
聞地因人勝古有是言吾邦巨儒前代姑置勿論宋儒
志王先生景山倡道學於伊洛未作之先而爲理學開
山之祖是後若周行己劉安節安上皆承伊洛正傳吳

表臣之論諫葉適之宏博蔡幼學之不避權奸薛士龍
之明於料敵若此者更僕不能盡述宜乎學士虞文靖
公曰爲杞梓茂林鳳麟靈囿豈非地因人勝之謂乎諸
生仰荷聖朝培養之深恩又承郡邑官僚作興之嘉惠
當思報稱期於無忝必以禮義廉恥爲立身之大端切
劑淬礪以就其德器朝益暮習以充其才識奮然以前
修自期紀梓鳳麟殆將復見於今日豈特華蓋文曲增
輝而已哉淮自成童鼓篋邑庠忝備賓興叨膺科甲由
兩制從事孤卿之後今焉困於夙疾謝事家居自念無
實德而擅虛名上負列聖之知遇抱愧戰兢惕然於懷
諸生入學雖有後先淮視之皆同門友故因記修學之
事冒進箴規之言生也誠能致力於真知實踐之學崇
秩厚祿不求而自至由是摭其素蘊灼見諸事業以爲
斯文之光庶幾無愧也生其勉乎哉正統二年陽月癸
未成化十八年知縣文林關東北山麓地重建明倫堂
及饌堂築杏壇鑿泮池萬曆府志宏治十年知縣林廷獻復
道院侵地仍購民地益之重建兩廡官廨倉庫等未訖

工去知縣汪循踵成之始分建名宦鄉賢祠

萬曆府志
季東陽

永嘉縣學記
縣學自宋元祐間
歷至國朝與替不一
顧其舊址後偏道院
前迫民居既隘且敝
不稱爲施教地前縣
林君廷璣圖爲改作
拓其故而新之首建
宣聖廟及左右廡尋
摧貳蘇州不果畢而
去新安汪君循繼知
縣事踵成之於庭之
前爲戟門旁隙地爲
庖爲庫而廟成又爲
堂及左右齋旁爲號
舍前爲泮池而橋其
上又前爲儀門而學
成又爲名宦鄉賢二
祠於學之兩偏凡其
木石瓦甍之材金碧
丹堊髹繪之飾繩敷
剝斲構結髮菜之用
選堅擇良精極壯麗
數十年之陋一旦爲
浙東大觀

正德元年知縣王獻

臣復大成殿後容成道院舊所侵地又購地足之背山

面殿建奎光閣

舊志
伏據李東陽奎光閣記補

四年刊學宮圖碑於明

倫堂右壁

文詳金石

十一年重建仰止亭

舊志
伏據葉式記補文詳金石嘉

靖九年奉制易大成殿曰先師廟建啓聖祠及敬一亭

十七年知縣李丕顯重修四十年廟門及啓聖祠圮四十五年巡按龐尙鵬知府李廷觀知縣程文著重建萬

歷七年邑人副使王叔果捐資重修

萬縣府志 詹萊重脩永嘉縣學記

永嘉縣儒學歲久損敝明倫堂爲獨甚諸士子謁當道請修治顧帑絀未遑也己卯冬堂且圯鄉先生廣東按察副使西華公札果有事學中徘徊久之揖謂師生曰子幸有先大夫之餘資雖未盡修請修其急者於是新作堂宇以及階序門牆俱煥然大改其舊凡四月而告成費金以百者三既迄工教諭周君迪訓導吳君炳正與葉生嘉遇林生承郡等謀鑄石以示久遠訓導鄭君從善予友也始介之來請記予惟王公亦猶行古之道爾古之人以身爲禮樂綱常之所寄也故公之於天下其有行也恒爲天下謀不爲一身謀出其智爲天下慮輸其力爲天下勞捐其財爲天下用未嘗以人已彼此限也故分所得爲義不容己卽毅然以身肩之而無所退諉也況於學者乃其終身所有事者乎禮大夫七十而致仕老其鄉里大夫爲父師士爲少師歲事畢則羣

餘子於學而教之猶里胥鄰長之傳農也以至任其道
德會於成均之法爲瞽宗之樂法而後已然則與有教
學之責者盍忍委諸州長黨正而不爲之十二年知縣
所乎是役也非異人任亦猶行古之道與
陳其志重修侯一元重修永嘉縣學碑記夫牧之道養
士和學之道上爲聖人敬率聖人爲士的故所在而有
學有聖廟而乃有堂傾廟圯而不治者非以政之弊與
時之拙與政之弊者由文之多也誠損文而就質則未
有急於教者也時之拙者由民之貧也誠量入以爲出
則未有急於修學者也於是永嘉儒學之堂則既治之
矣聖廟兩廡若門若牌坊啟聖祠敬一亭猶未也廟貌
正梁將圯簷及兩廡咸狹隘不稱原估蓄縮至百有餘
金則以爲多矣今令陳侯其志惟任之暮月才裕敏達
心宅廉仁而尤注意於人倫振作乎士類橫經芹泮儲
材薪樵諸生翕然莫不興起於是既搜查將諸修倉之
羨而又裁節冗用務給經費請諸郡尊衛公承芳復得
若干金計畫既定乃從事焉而以縣倅李君衿董役君
亦拮据埤益肇工於月正之既望越半歲而告成黜陟
丹漆煥焉宏麗人曰斯我公侯之德也蓋一時上下水

築儼然常兢兢乎斯民一錢之惜而獨於學校軫念如此於是承役者亦莫不視如家事節約牢密蓋費半而功倍焉故考其事雖籌之前時而成之則今日也考其經費則上非煩官也下非勞民也又何有一毫沽譽樹德憂讒避事之心哉夫無所為而為之君子也學師周君迪吳君炳正余君學誠實謂元曰夫陳侯蓋有所受之矣厥祖學憲峯湖公家學淵源嘗誨之以聖賢之學嗚呼欲學聖人者其亦於文質義利間辨之已乎是宜諸生相與感激奮勵而不能已也是役也貳守劉公汝翔別駕馬公魯卿司理潘公士藻咸與經始樂觀厥成云時縣倅張光世尉莊淮亦有勞焉十四年知縣蔣行例宜書之而為記萬曆甲申秋日

義建文昌祠於學後華蓋山舊志郡人何懋官記未見三十二年王

叔果子光蘊光薦復修廟廡尊經閣名宦鄉賢祠康熙府志

而縣雲間姓永濟重修永嘉縣學記夫風厲膠庠修舉寔墜以造士而興賢非長吏師師者之責哉長吏欲為而鄉之老能為之為於前又繼為於後篤桑梓之敬贊草萊之化舉義無窮樂施而靡倦則其賢尤不可以無

表焉永濟所睹永嘉王大父事在萬曆己卯詳載常
學大修於鄉賢憲副王公叔果屋幾不支永濟承乏茲
山詹公萊碑記中歲久復圯廟屋幾不支永濟承乏茲
邑力圖構葺而帑無宿儲民有積逋役鉅而費多慮無
以供籌度於心者久之癸卯冬如京師朝元正鄉老
國貳守王君光蘊與其仲君光祿署丞光薦謀曰我邑
賢官我先君實力焉蠱緒弗幹謂析薪何吾終不以
勞費遺有司仲曰諾遂各捐資卜十二月十二日始事
委計於子弟之能者而時躬督之自文廟而明倫堂而
門廡亭閣祠廟以次修理材碩而堅匠良而勤撤蠹振
捷正其歌側築削堊墍精密固完雖規度無改而壯麗
倍昔比永濟觀還瞻覽宮牆則翼然煥然矣嗟乎國家
取士以科目而養士以學校泮水橋門固土所繇以顯
於世迨宦成而歸第斤斤祿賜之美治臺沼以自娛或
飾佛老之祠以徵福鼓篋舊地視若傳郵者有之乃兩
王君獨不爲彼而爲此其賢於人何如也夫永嘉海濱
鄒魯鄉校固才藪也自茲彬彬連茹蜚英樹駿安能忘
兩王君而永濟忝長吏不勞而觀其成抑又幸矣工竣
於甲辰八月二十三日約計銀三百兩有奇司諭郭君
廷梅沈君應明司訓張君其綱張君良心暨諸生葉九

思王瑞柏等請勒石永濟謹記其槩俾昭示於不朽云萬曆三十二年十月

國朝康熙八年颶風盡拔明倫堂廊廡教諭樊遇諸生黃象鼎等以學租重建十七年颶風復拔東廊儀門訓導蔡啟份重建儀門并修路廊巡道高培知縣鄭廷俊皆捐助十九年又助建省牲所二十一年教諭王維新訓導蔡啟份暨東廊砌甬道

康熙志

康熙二十三年知縣申

奇美教諭勞大與訓導蔡啟份邑人林兆斗重建先師

廟創朱文公祠

康熙志

案乾隆府志康熙間訓導朱禾雍正年教諭林標重修明倫堂

乾隆

隆八年邱肇熊請帑率進士陳王綬等捐建廟廡堂署

并改建崇聖祠置博文約禮兩齋於明倫堂側

乾隆府志

人洪勛重新永嘉縣廟學記國家建廟學所以奉聖賢
育俊秀敦教化所係綦重也永嘉學宮自創造以後閱
時久遠屢經修葺屢致損壞緣地偏海濱颶風時作震
蕩摧折以致年來文廟半傾明倫堂全圯前邑侯爲謀
修造估計請帑止五百餘緡費用十不敷三歷任皆畏
縮遲延而不敢舉二十餘年以來竟致荒蔓矣癸亥春
江右邱公來治茲士謁聖之後瞻顧躊躇慨焉太息卽
思所以新之爲帑金難於請益因延既之紳士於庭立
簿勸輸先自捐清俸爲之倡時邑進士陳君王綬欣然
効之衆皆相率量力樂輸約計千有餘緡更得觀察郡
守諸上官木學兩師長互相捐助復計鄉隅紳士逐漸
捐輸爲事可舉遂擇日鳩工庀飭期年而廟與兩廡得
煥然一新又因崇聖祠舊制低小隘狹不稱前殿更重
建之嗣是而明倫堂亦擴前制而加高廣其東西階上
一爲博文齋一爲約禮齋係士子肄業之所自明倫堂
頽而胥斗相引雜處穢褻不堪悉送之去并得廓清以
復舊規至於祠宇亭館學師衙署之屬一皆次第舉
不第與所久廢抑且增所未備其規模之壯東南之學
莫能過矣我朝自定鼎以來重熙累洽人文蔚起吾
甌素稱小鄒魯山川之勝扶輿磅礴泓清演迤自昔理

學文章哲匠接時迭出皆不下於諸郡邑近世以來寥
落而不復振良由斯文根本之地不能整飭而司土者
亦漠視其事而不能爲地方培植振作也前府學被災
郡守莊公力請重建爲士子計其意良殷今縣學久圯
復得邛公彈心修造而堅塗護丹氣象巍煥俾得上祀
先聖下養士子相與習禮講學於其地將文教日盛德
行日興所謂親師樂友之道化民成俗之方可以媲美
盛時踵徽前代莫重於此矣然則是役也邛公所以加
意於吾國之士誠深且厚終不可忘不可泯也公名肇
熊江右宜黃人由進士爲令性仁厚操廉潔有明達之
識以佐決斷之才故所在多惠政洎承四年百廢具舉
廟學之建視郡學爲更勝當日出力贊襄者廣文虞公
元枋陳公錫圭皆工將竣而去繼署學事則郡學廣文
吳公元會盧公垣瑞安學廣文陳公世修平陽學廣文
葉公聯芝新任本學廣文吳公退年皆遞相經理廟學
經始於乾隆八年癸亥冬十月落成於十一月丙寅夏
六月首事協力者孝廉彭君子需邵君灝林君際遇明
經王君世灼梁君春文學蔡君宏勳吳君文煒邵君家
植王君應銓陳君光箴光第筠肯堂作枚文龍黃君
欽選張君應龍蔣君壽穀總其事者明經邵君世祿也

若當事紳士樂輸之數除帑金外計二千餘緡皆另碑
鱗勒以志一時尙義之盛亦不可忘不可泯也時乾隆

丙寅孟 三十六年知縣傅永綉倡捐重修建文昌閣於

學西知縣傅永綉重修永嘉縣學廟記 甌瀕海多溼多

隆癸亥年釀金重新之規制宏大甲於兩浙乾隆丁亥

颯風作復毀觀察李公時任郡守下其議於縣聚紳士

謀所以葺之觀察李公時任郡守下其議於縣聚紳士

俸以爲之倡紳士踴躍相勸共輸金若干壞者易之圯

者建之漫者朽之既固既飭視昔有加復以其餘力建

文昌閣於縣學之西於是二學之規模大備觀察李公

勒其事於府學矣命余就縣學記之於戲善之不可以

不繼業之不可以不修有如是夫易曰不遠復無祇悔

書曰厥修乃來夫士之學亦若是已矣方今 聖學昌
明文治日新山陬海隅莫不向學況甌固素稱 小鄒魯
也宋明諸君子道德文章炳於志乘而繼之者不少概
見何也志不立焉耳人之性非生而壞嗜欲溺之外誘
歟之壞矣然而乍見之惻隱嗷蹴之良心平旦夜氣幾
希相近無不可修有志者早覺之於將壞之時反之於

始壞之日不畏難不苟止去故而更新則壞者可復不
壞者可固也惟自暴自棄甘卽於壞或因循苟且坐待
其壞斯無可如何耳先王立學所以教人各修其壞以
復其性也修之道奈何亦曰復其故而巳矣夫濁晦之
氣如海外誘之攝如風嗜欲之溺如溼一旦覺悟如新
克治不怠加修改過以去其腐壞遷善以復其舊觀赫
絢以新其面目擴充以大其規制學既成矣因其爲實
發爲輝光巍乎煥乎可以淑身可以善世大道之否塞
畢開聖賢之體用具足而學於是爲大備矣有志者事
竟成不其然與雖然知其美矣苟無大力者以振之則
人不悟已悟焉或承之不力而爲之無序則亦不足以
知其美生其悟而後承之以力爲之有序學之成可操
券得也故夫隨波逐流者壞之媒也因陋就簡者修之
賊也察其機以致其決明之則也踵其事以增其華功
之倍也夫爲學亦若是已矣二學既成觀察李公旣以
大力振之於始矣余與諸紳士敬承其後幸不廢墜因
於落成之日而通其理於學以嘉慶初巡道李鑾宣知
縣巴哈布倡修殿廡

湯按舊志佚今據楊兆鶴記補

十一年知府楊兆

鶴署知縣黃友教踵修崇聖祠鄉賢名宦祠及齋室儀

門并葺青雲館奉朱子碑像

知府楊兆鶴重修永嘉縣學記温州治永嘉永嘉晉

名郡至唐籍爲縣其山川靈氣積古未泄直蛇蜒於晉
宋齊梁陳隋唐五代至宋而始一發其時禮樂輩起號
稱永嘉開閩漣洛視若儕輩雖永嘉之目前沿乎晉亦
徵斯邑人物之茂而郡之弁冕也故永嘉雖縣其學常
與郡等學起宋元祐居華蓋山麓遜元及明時圯時修
俱應時志至我朝聖人首出繼繼承承學校之
澤不棄蠻陋玉環拳土懸甌海外尚遙被天光規撫預
壁俎豆之薌薰染島瀛况永嘉杞梓茂林日露照沃術
序之風益其蒞諸甲子夏余來守斯土其明年黃君友
教署永嘉令時郡邑二庠壞於颺風經前觀察李公暨
巴令勅修大成殿兩廡外概未之及謀所以踵成之迺
請於兵備使者陳公公曰善於是邑之韋素咸歡斯舉
考財量石無輟風雨若崇聖祠鄉賢名宦祠復如舊制
其博文約禮兩齋及儀門次第觀成并葺青雲館奉新
安朱子碑像擇日令率邑之士釋菜於堂告成事焉
余惟邑之風俗觀其所務寺觀盛而梵誦之化流臺榭

飾而游觀之跡多田廬治而泉粒之務閒市闌修而刀
錐之行細覽其華實厥俗粲然今斯學之重舉販夫牧
豎羣舞蹈之不掩歲月而文明相輝接於衢路此以見
風俗之美人心正聖賢之澤流世不衰而我朝化
讓頌二百年日慶月沃治人深也彝器在筵禮容不設
樂鐘懸列雅訓無聞雖飾橋門廡之鞠草余猶願青衿
之華衣履道德追步昔人志氣奮發風會以開則理學
謹起戴鏡承嘉上答聖人械樸之化下表諸邑翹薪
之美肯不復與學經始乙丑四月日越十有二月日落
戎其諸助緒與董其役者概書碾背以存同志云嘉慶
十一年
八月
道
光
六
年
神
會
佩
雲
喬
雲
捐
資
重
建
浙
江
學
政
朱
士
彥
重
建
承
嘉
縣
儒
學
記
國
家
右
文
興
治
自
國
都
以
達
州
邑
海
隅
障
寒
四
方
萬
里
之
遠
莫
不
建
學
立
師
弦
誦
之
聲
相
聞
聖
天子
滋
極
廣
厲
學
官
嘉
興
字
丙
臻
於
斯
路
多
士
咸
觀
感
興
起
兩
戊
歲
余
奉
命
視
學
浙
省
案
試
十
一
郡
所
至
祇
謁
聖
廟
周
殿
延
省
禮
器
有
廢
缺
不
舉
者
令
所
以
時
飭
治
務
俾
如
制
時
則
有
溫
郡
承
嘉
縣
紳
會
佩
雲
及
其
弟
辛
生
喬
雲
以
縣
學
就
地
捐
貲
修
建
具
贖
上
余
亟
獎
許
之
乃
遂
度
材
鳩
工
首
大
成
殿
啟
聖
宮
次
兩
廡
次
名
宦
鄉

賢祠皆撤而新之又崇大其列戟櫺星之門葺完其會講肄業之堂又自列聖賜額從祀栗主下逮几筵之屬髹彤藻繪皆復舊觀工竣日郡縣上其事於臺使者核實以聞敕部議叙會佩雲以布政司經歷銜因具其事而請品封典加叙高雲給予布政司經歷銜因具其事而請記於予將泐諸石余推佩雲高雲厠身士林懼學校弗治無以宏美富肅教化爰出私藏以新廟制非敢有所冀也乃得上邀甄叙寵秩有加於以見聖天子敦崇儒術激厲人材雖在偏陬無微不錄聞斯舉者有不互相告語踴躍濯磨以副作人之大化哉是役經始於道光六年四月落成於七年九月佩雲輸銀三千兩有奇高雲輸銀五千兩董之者郡守高際盛縣令張久照教諭孫同元訓導何其照例得

備書是爲記道光八年九月

二十二年知縣高際雲教

諭孫同元訓導朱美鏐各捐俸重修

訓導海鹽朱美鏐重修永嘉縣儒學

記聖廟大成殿大成門道光丙戌職員曾佩雲高雲重建餘皆仍其舊閏十七年而瓦漏牆傾木料朽壞丁祭行香幾無行禮更衣之處因商於明府高際雲教諭孫同元創捐廉俸紳士助之迺重爲修葺首大成殿大成

門次易樞星門旁之柵以牆泮池橋闌以磚官廳重建
前楹木石佈置楚楚餘自崇聖祠兩廡宮牆名宦鄉賢
祠旁及明倫堂博文約禮兩齋青雲館土地祠頭二門
照壁等處築頌者易朽者丹雘模斷煥然一新集捐銀
三百五十兩共用四百六十兩有奇入不敷出美鏐董
俸償之經始七月二十二日工竣十二月十日美鏐董
其役因紀 二十六 年颶風毀壞 二十八年知縣張銑倡
顛末於石

率紳士董正誼重修大成殿司事方正寅陳承暄陳杲

東孫自勵等勸捐助之 湯志 浙江學政吳鍾駿碑記

宋王景山為濂洛先聲由是元豐九先生道熙六君子
俱以道德性命傳程朱遺緒此王忠文所云論理之學
甲於東南筆橫渠口伊洛者紛如也而登進士科者一
榜無慮數十登賢良方正宏詞孝廉諸科姓名可考者
三百餘人以為人材科目卓絕他郡何其盛哉雖然予
更有進嘗謂儒術無他經術而已舍經言儒未有不流
入二氏者經術之壞一壞於晉之清談再壞於宋之理
學元明以來此道寢晦我朝昌明正學尊崇漢學不

廢古訓 國初三惠之學盛於吳中江明經戴太史
之於歛至錢少詹王光祿江徵君段大令等益廣厥傳
千載沉疴一朝復旦蓋兩漢經學所當尊行者以其去
聖未遠而在二氏未起之前也永嘉自儒志編始創講
學然其言主於修己治人初無所謂理氣心性之微妙
也葉文定之述學也謂周恭叔首闡微言鄭景望交修
言行薛士龍遠稽王制陳君舉洞察利弊是永嘉之學
本未嘗襲性理陳言拾語錄語類之糟粕以附會程朱
學者幸生其後將精研小學博綜羣經守兩漢之師承
知後世儒林道學分傳之非實事求是斯真六藝文章
之府其餘學術奚啻迥出宋元明諸儒而上而區區科
目之盛衰又曷足計數哉予兩視浙學以校士四至東
巖愛其風土近古庚戌冬案試時適紳士以重建縣學
落成屬予記之如右工經始於道光二十七年九月吉
成於咸豐 同治十一年署教諭許文琳勸捐重修邑人
元年八月 同治十一年署教諭許文琳勸捐重修邑人
葉茂繁等合力成之知府裕彰重修學記道光二十六年
山學曾出資重修明倫堂則孫自勵等合衆力而成之
迄於今三十年矣殿之西北隅勢將圯外而名宦鄉賢

二祠明倫堂戟門等處上兩旁風覆壓過半非所以昭
崇敬也同治辛未四月余奉簡命來守是邦恧焉傷
之而經費維艱屢請不果邑人葉茂繁急公爲倡衆股
和焉乃構良材勾羣匠誦吉日次第舉行告成事焉始
於同治十年九月迄工於十一年七月幸屬行釋菜禮
以落之學者咸額手相慶以爲美觀余曰此獨美觀也
與哉夫黜堊丹漆致飾於外者材美工良堅持於內
者也諸生等幸生明備之時將飾於外以庠序爲榮身
之所已乎抑將持於內以鄉前輩爲準的必蘄至於聖
賢之域而後已乎嘗考永嘉之學有宋王儒志先生開
伊洛之先厥後名賢輩出或以節義顯或以文學傳或
以經濟著崇祀鄉賢爲後世矜式昔何以盛今何以衰
振而興之一轉移間耳願與諸生爭自濯磨無沈溺於
頹靡之習並身心學問而俱新之以爲我國家棟幹
之儲有志者事竟成安見古今人
不相及哉師資不遠跂予望之

今學制中爲大成殿翼以兩廡後爲崇聖祠前爲大成
門門外左名宦祠右鄉賢祠前櫺星門又前泮池左右

戟門繚以周垣殿西爲文昌閣東爲明倫堂堂後教諭
署堂左青雲館兩廊爲博文約禮齋前爲儀門門外土
地祠訓導署在儀門左

文廟位次

至聖先師孔子

正位
南嚮

東配復聖顏子

述聖子思子

西配宗聖曾子

亞聖孟子

東哲閔子損

冉子雍

端木子賜

仲子由

卜子商

有子若

西哲冉子耕

宰子予

冉子求

言子偃

顓孫子師

朱子熹

東廡先賢

按先賢先儒東西位次謹遵同治二年奏定新章

公孫僑

咸豐七年祀

林放

原憲

南宮适

商瞿

漆雕開

司馬耕

梁鱣

冉孺

伯虔

冉季

漆雕徒父

公西赤

任不齊

公良孺

公肩定

鄒單

罕父黑

榮旂

左人郢

鄭國

原亢

廉潔

叔仲會

公西輿如

邽 異

陳 亢

琴 張

步 叔乘

秦 非

顏 噲

顏 何

縣 亶

牧 皮

樂 正克

萬 章

周 敦頤

程 顥

邵 雍

西廡先賢

蘧 瑗

澹臺滅明

宓 不齊

公治長

公皙哀

高 柴

樊 須

商 澤

巫馬施

顏 辛

曹 卹

公孫龍

秦商

顏高

壤駟赤

石作蜀

公夏首

后處

奚容蒧

顏祖

句井疆

秦祖

縣成

公祖句茲

燕伋

樂欬

狄黑

孔忠

公西蒧

顏之僕

施之常

申楨

左邱明

秦冉

公明儀

咸豐三年祀

公都子

公孫丑

張載

程頤

東廡先儒

公羊高

伏勝

毛亨

同治二年祀

孔安國

后蒼

鄭康成

許慎

光緒二年祀

范甯

陸贄

道光六年祀

范仲淹

歐陽修

司馬光

謝良佐

道光二十九年祀

羅從彥

李綱

咸豐元年祀

張栻

陸九淵

陳潛

真德秀

何基

文天祥

道光二十三年祀

趙復

金履祥

陳澔

方孝孺

同治二年祀

薛瑄

胡居仁

羅欽順

呂相

同治二年祀

劉宗周

道光二年祀

孫奇逢

道光八年祀

張履祥

同治十年祀

陸隴其

張伯行

光緒四年祀

西廡先儒

穀梁赤

高堂生

董仲舒

劉德

光緒三年祀

毛萇

杜子春

諸葛亮

王通

韓愈

胡瑗

韓琦

咸豐二年祀

楊時

尹焞

胡安國

李侗

呂祖謙

袁燮

同治七年祀

黃榦

蔡沈

魏了翁

王柏

陸秀夫咸豐九年祀

許衡

吳澄

許謙

曹端咸豐十年祀

陳獻章

蔡清

王守仁

呂坤道光六年祀

黃道周道光五年祀

陸世儀光緒元年祀

湯斌道光三年祀

崇聖祠位次

肇聖王木金父公正位

裕聖王祈父公正位

詒聖王防叔公正位

昌聖王伯夏公正位

啟聖王叔梁公正位

東配先賢

孔孟皮咸豐七年祀

顏無繇

孔鯉

西配先賢

曾點

孟孫激

東廡先儒

周輔成

程珦

蔡元定

西廡先儒

張迪

朱松

樂章

謹按欽定直省文廟樂譜有簫譜有笛譜簫譜以伋爲清變宮伋爲清商伋爲清角伍爲清變徵伋爲清羽簾篋排簫準之笛譜以伋爲清變宮

伋爲清商伋爲清角伍爲清徵伋爲清羽笙準之春秋二調同

春以夾鐘清商立宮

倍應鐘清變宮起調

亞獻

樂奏秩平之章

簫譜
笛譜

式

仕 禮 仇 莫 仇 愆 仇 伍

升

仕 堂 伍 再 仇 獻 仇

響

仕 協 伍 鼓 仇 鏞 仇 伍

誠

伍 孚 仕 疊 伍 獻 伍

肅

伍 肅 伍 雍 仇 雍 仇 伍

譽

仇 髦 仕 斯 伍 彥 伍

禮

仕 陶 伍 樂 仇 淑 仇 伍

相

伍 觀 伍 而 仇 善 伍

終獻

樂奏敘平之章

簫譜
笛譜

自

仕 古 伍 在 伍 昔 伍

先

仕 民 伍 有 伍 作 伍

皮

伍 弁 伍 祭 伍 菜 伍

於

伍 論 伍 思 伍 樂 伍

惟

伍 天 伍 牖 伍 民 伍

惟

伍 聖 伍 時 伍 若 伍

彝

伍 倫 伍 攸 伍 敘 伍

至

伍 今 伍 木 伍 鐸 伍

徹饌

樂奏懿平之章

簫譜

先師有言

祭則受福

四海

贊宮

疇敢不肅

禮成

告徹

母疏母濟

樂所

自生

中原有菽

送神

樂奏德平之章

簫譜

鳧釋裁裁

洙泗洋洋

景行

行止

流澤無疆

聿昭

祀事

祀事孔明

化我

蒸民

育我膠庠

秋以南呂清徵立宮

倍仲呂清角起調

迎神

樂奏昭平之章

簫譜

大仕哉仕孔仕子仕

先仕覺仕先仕知仕

與

天仕地仕參仕

萬仕世仕之仕師仕

祥

徵仕麟仕紘仕

韻仕答仕金仕絲仕

日

月仕既仕揭仕

乾仕坤仕清仕夷仕

初獻

樂奏宣平之章

簫譜

予仕懷仕明仕德仕

玉仕振仕金仕聲仕

生

民仕末仕有仕

展仕也仕大仕成仕

俎

豆仕千仕古仕

春仕秋仕上仕丁仕

清伋酒伋既伋載伋

其伋香伋始伋升伋

亞獻

樂奏秩平之章

簫譜

式伋禮伋莫伋愆伋

升伋堂伋再伋獻伋

響伋協伋鼓伋鏞伋

誠伋敷伋疊伋獻伋

肅伋肅伋雍伋雍伋

譽伋髦伋斯伋彥伋

禮伋陶伋樂伋淑伋

相伋觀伋而伋善伋

終獻

樂奏敘平之章

簫譜

自伋古伋在伋昔伋

先伋民伋有伋作伋

皮伋弁伋祭伋菜伋

於伋論伋思伋樂伋

惟伋天伋隔伋民伋

惟伋聖伋時伋若伋

奠伋伋倫伋伋攸伋伋敘伋伋

至伋伋今伋伋木伋伋鐸伋伋

徹饌

樂奏懿平之章

簫譜

先伋伋師伋伋有伋伋言伋伋

祭伋伋則伋伋受伋伋福伋伋

四伋伋海伋伋費伋伋宮伋伋

疇伋伋敢伋伋不伋伋肅伋伋

禮伋伋成伋伋告伋伋徹伋伋

母伋伋疏伋伋母伋伋瀆伋伋

樂伋伋所伋伋自伋伋生伋伋

中伋伋原伋伋有伋伋菽伋伋

送神

樂奏德平之章

簫譜

鳧伋伋釋伋伋義伋伋義伋伋

洙伋伋泗伋伋洋伋伋洋伋伋

景伋伋行伋伋行伋伋止伋伋

流伋伋澤伋伋無伋伋疆伋伋

聿伋伋昭伋伋祀伋伋事伋伋

祀伋伋事伋伋孔伋伋明伋伋

化伏伏我伏伏蒸伏伏民伏伏育伏伏我伏伏膠伏伏庠伏伏

名宦祠依乾隆志錄入而訂正其位次

齊蕭景唐吳曾宋仰仁謙霍蠡元王安貞

趙搭納明梁瑀李璫潘慶周紀

黎存信卓越文林劉遜林廷璫

汪循彭占祺方升周琬

李丕顯朱潤齊譽陳其志

國朝馬塢

按舊志止二十四人今名宦祠神位明則有張致能周敘白濬王之屏揚翬劉三宅沈一德莊廷臣戴相國朝則有王世顯邱肇熊張可大夏光遠戴源永朱珪史致儼張麟李龠通不知何時奉文附識於此

鄉賢祠依乾隆志錄入而訂正其位次

宋

陳侃

王開祖

丁昌期

周行己

劉安節

劉安上

王公彥

仰忻

吳表臣

張輝

薛弼

薛嘉言

沈躬行

鮑若雨

林季仲

張闡

蔣元中

薛徽言

鄭伯熊

蔣行簡

薛季宣

張澗

王枏

薛叔似

葉適

戴溪

徐瑄

戴栩

周端朝

陳埴

葉味道

陳昉

吳濬

戴侗

林武

翁巖壽

陳虞之

胡子實

元

繆圭一

季完澤

明

王齋

梅頤

黃淮

朱謚

潘畿

方以正 鄭璘 朱良暹 李永本 楊思敏

周旋 葉挺 黃祿 王瓚 張漢

朱文簡 張孚敬 項喬 孫滄 葉式

王健 王德 王叔果 葉承遇 張遜志

張遜業 王叔杲 葉世德 朱邦彥 陳堯言

王維夔 周應期 張天麟

國朝謝包京 謝天埴

按舊志止七十五人今鄉賢祠神位宋則有戴述陳
鵬飛王允初陳大紀戴蒙徐寓林一龍李仲意王致
遠陳宜中陳自中元則有金德潘養頤明則有張文
選劉清林補張純侯一元王光蘊王繼明張汝紀劉
康祖翁家春王光經項維聰王光美王述周尙文邵
倬林必成何白不知何時增入而侯一元何白皆樂

清人亦係誤入附識於此

學額 廩生二十名增廣生二十名歲貢間歲一人入學
原額文生二十五名武生十五名撥入府學無定額咸
豐六年奉 旨加廣永遠文武學額各一名同治四年
以上捐輸奉 旨加廣永遠文武學額各二名又蘇閩
兩省八九次米捐案內奉 旨加廣文武學額各五名
同治七年奉 旨永嘉縣紳民團防力保危城案內加
廣永遠文學額四名武學額二名按今文學額三十七名武學額二十五名
學田 明正德間有塗田一百二十八畝六分坐二十二
都民田一十七畝坐二十四都山田一十二畝坐十九

都見正德四年永嘉縣學圖碑道光以後存民田四十四畝六分七

釐坐近江三十五都三十六都塗田三十畝零一分五

釐坐八都又塗田三十畝又二十八畝每畝俱折錢完

租見永嘉聞見錄

射圃 在東山下舊小教場

書院

東山書院 舊在華蓋山上按故址在今雙忠祠左宋王儒志先生

講學處明嘉靖十二年毀於颶風三十一年知府龔秉

德重建邑人孫昭重建東山書院記宋皇祐賢良王儒

世稱東山書院云迄今凡六百有餘歲乃嘉靖甲午風

風起於海上其地遂爲荒墟無有新之者壬子春鴻州

書院

冀公以名御史出勅是邦宿垢藏穢首刷陳服正衷敷勤期月辨理民不問勾督之擾士不聞刁斗之驚公得以廓高明之觀追往哲之迹乃登東山披剔草萊率親故址輒興歎曰吾聞儒志先生倡明理學於濂洛未作之先有功於名教捧頰其餘編曰復者性之宅也無妄者情之原也曰學者離性而言情奚情之不惡皆以關宋儒未發之與其末章曰由孟子以來道學不明吾欲追述至道論文武之治杜淫邪之路闢皇極之門吾畏諸天者也吾何敢已哉卓然以斯道爲己任孟子之後一人而已人遠而理在居圯而地存苟知之而復墟莽豈所以化吾人之意哉且聖天子命吾以倫圍之寄匪以歛合貨賄乎治刑辟已也將以行吾所幼學俾斯人敦讓崇義祛邪整習以若於道凡祇示之常足以陰寓激率之義以助吾風教之所不及者咸宜悉力枚舉矧儒志先生崛起於聖學頹靡之後獨揭心得發明經蘊以開詔來學正濂洛諸君子所當心服而神宗之者不因故址而新之何以聚精廋而崇景仰也乃摺俸檄永嘉令周君岱經度其事命移鄉賢石像真於前楹選諸生暨先生裔孫輩肄業其中門堂樓廡煥然一新公餘與諸生橫經而講鼓琴而歌衍河汾之派溯洙泗之源

示正鵠之求，慎雕蟲之戒。屬邑旁封，有志向方者，不遠數百里而來，思各以其見而取裁焉。蓋以儒志先生曠世以相感異時而同率也。願為記其事於山石，以告夫繼公而理者。

國朝雍正十年巡道芮復傳移建於城東南積穀山麓，卽

今址也。地爲謝靈運故蹟，傍山築舍，依石爲門，有講堂。

廡舍爲肄業地，前繪靈運像，內祀儒志先生。左建文昌

閣，通志雍正七年巡道王欽福建康樂祠，三間。九年巡

道芮復傳捐俸千金購民地闢爲書院，由謝祠入徑，

顏曰名教樂地，中爲閣，存堂三間。後爲靜虛齋，西爲

進修軒，軒前有池，池上屋三楹，題曰塵襟可滌。入門，

石壁立，上有天泉樓，榭廊廡齋舍，庖湍具備。次年落成，

又於山巔建大觀，留雲二亭，復捐置塗田二頃，供諸生
饋膳。芮復傳積穀山書院，峰頂留雲亭，碑記積穀山
之建，留雲亭記者謂亭當郡巽位，宜壯麗，以收王氣而
余之意，則又在於書院也。按積穀山一名飛霞，因東漢
劉根隱此，乘赤霞至天台，訪紫靈君，得名書院，不以積

穀名而以東山名者仍舊額也余既拓書院基構講堂
瀆池關軒環築書舍延師以課兩郡來學之士公暇與
諸生考論久而不倦山之勝甲一郡而書院坐收之千
巖笏時一水虹繞秀木美箭森蔚檐際又有仙泉出於
巖巖石穴旱不涸雨不溢近學士李公清植校士東甌
大加激賞以爲紹鵝湖之石井云第迫於地無舒眺處
山頂向有亭名留雲後改東柄久壞於颺風余因謀重
新之以補書院之缺書院距亭不百武夾道皆松盤折
而上嶺半構飛廊於巖隙周以曲檻爲駐足地面西山
日色不下得衆木之蔭也亭堅緻與大觀亭相仿而山
之幽奇過之諸生當風日清朗時陟其巔四望心胸洞
然凡江山之流峙雲物之變幻足以洗滌塵襟使器識
益高明義理益沈實惟茲亭之助故曰補缺昔朱子於
武夷白鹿皆擇山水最佳處豈無意哉茲役後書院二
載亭仍古名易今名書院計費錢五十萬亭約四之一
皆出自俸餘不以擾民吾恐後之人以吾效謝公遊屐
故揭而書之嚴睽東山書院詩環林壘巖聳屏氛埃宵
抱漣漪講席開曲徑玲瓏儲秀氣疎窗窈窕屏氛埃宵
沈玉漏吟聲徹曉映牙籤翠色來鄒魯遺風猶未墜於
今追琢日多材朱葉瑛東山書院雜咏翠壁凌虛一壁

峭如屏上嵐光接杳冥相對不知春已去春山只似
夏山青石磴一卷突兀當階立屏絕巉巖作四平豈是
巨靈施最賦天工琢削便天成仙泉石上仙泉一勺多
盤螺屈曲水盈科只疑便是仇池穴小有天通此地度
鏡池池水清渾未有期風來風定雨無乾隆二十年巡
時此間自有仙源出長把天光似鏡池

道朱椿興修二十四年巡道徐綿知府李琬知縣崔錫

次第重修建掬月亭於山麓并增置塗田以爲諸生膏

火乾隆府志徐綿興復東山書院序余奉簡命觀
火察區括兩郡凡山川風土政俗民物皆得於周巡
挹之餘見夫農安其耒工世其業商不誠途蓋負山襟
海之區久已涵濡聖澤歌舞康衢矣士者民之表率
也乃進膠庠而問之則撲毳多而炳蔚或不稱無以輔
誠美追琢爲章竹箭雖筠羽增必飾文之不稱無以輔
其質而或併無以存其質也余滋感焉山左蓮塘李君
先余來守馭郡余諮度之固已先有是心思爲振勵謂
東馭向有東山書院宋儒壬儒志倡學於此人材鴻懿
號稱小鄒魯明季以來師資漸失其傳又爲嶺海所限

士不負笈業苦拘墟今將鼓舞之非興復書院不可江
潯海嶼之間往往有浮沙聚汜可耕而獲時爲黠民所
據特其洄澗無常不可以入編籍若以江海自然之利
充國家樂育之資是則攸宜余深允而亟趨之今茲一
載有餘會田計粟綜要治凡約得師生膏火之資著焉
成規以垂後既爲各憲所嘉予而於予心亦有深慰焉
夫書院者或以擬於家之塾黨之庠而其益實不止此
也民之秀者能爲士今將拔一郡中士之秀者而聚而
教之則雖止此數百人苟得透鼓篋於國學書熾行
於師氏將見一邑趨步其風其所及者又豈止一家一
禮敦詩而一邑趨步其風其所及者又豈止一家一
而已耶今諸生之在書院者必將濯磨砥礪爲明體達
用之儒彬彬乎質有其文上可以備國家掄才之選
而不以僻處一隅甘於自餽之風是則予與良守之
所深望也夫李琬序書院者所以輔學校之不足也
古者家有塾黨有庠州有序國有學其教之者衆而習
之也親故教化易行而人材懋後世州郡立學校其尤
者而升之選登其籍課其藝而甲乙之其於羣萃州處
之益耳提面命之方尙有缺焉唐宋以來始有書院嵩
陽嶽麓白鹿應天爲四大書院而鹿洞鵝湖爲朱陸講

學之地自是以來時有建立然猶未廣也我朝直省
各立書院給發帑金以資膏火於是鴻儒碩彥皆出其
中矣然舉首蔚為國華倚歛盛哉其他州郡亦或創或
因文教休明同風一軌東顧瀕海之區宋儒王儒志先
生倡學東山元豐淳熙間號稱小鄒魯有明以來院建
華蓋峰之巔年久傾圮今東山書院乃前道憲芮公創
於積穀山之麓而仍儒志之名然而臯比之座虛懸堵
檣之觀闐若絃誦無聞科名不數不殖將落能無懼乎
余於丁丑夏奉命來守是邦曠任風土竊以振勵人
才為急務越明年命道憲三韓徐公來巡既命余籌
布之迺為之周諏經畫詢之邑宰紳士咸以江海之中
有沙塗淤漲可資經費雖浮厓聚壤莫非天地自然之
利與其為桀黠者所攘何如別抉之以為樂育之資申
請大憲成以為可因即酌定師生官役各費勤為成規
申明凡例更進諸生而告之曰書院之設非徒以徵取
妍華侈張聲譽如終南捷徑北山草堂也夫成材之道
為學之方古人具言之矣或因經以明道如濂洛關
諸賢或因文以入道如昌黎廬陵之選今之書院亦欲
諸生因文以見道也自坊本流傳競趨風氣經史遂成
僻書典籍度之高閣胥井無泉枯枝不蓋言之無文行

何以遠故必扶經之心綜史之蘊乃久之則義理日新
而其於善也如芻豢如膏粱志氣日定而其於不善也
如猛虎如鴆酒杜武庫所謂優而柔之使自求之至於
渙然冰釋怡然理順則文在是而道亦在是矣由是發
爲文章秩秩枚枚又何患青紫之不可拾哉夫有體則
必有用所以備國家馳驅之選黼黻之才者匪異人
任前輩如梅溪水心其經濟文章又豈不同條而共貫
耶然則諸生果能自離經辨志以至於強立而不返處
焉醇儒出爲偉器亦卽守土者所以仰答道光十年巡
簡畀之職於萬一爾予茲有厚望焉

道賈聲槐署知府呂子班倡捐率紳士重修學宮之立

所以講明道術成就人材唐宋以來設書院亦每學之
遺意也溫郡書院有二中山爲官學東山儒志先生王
景山創立數百年間屢次修葺道光丙戌冬余觀察來
既至書院講課因捐廉稍資膏火從學者日益衆庚寅
夏永嘉明經葉君應宿司事鄧生承弼以東山堂柱齋
壁多欹朽將傾圮謀所以修之余與太守高公署守呂
公各捐俸爲之倡郡邑人上欣然樂助庀材鳩工四踰
月告竣請予一言爲記夫余與諸生講課者文也文以

明道而學分真偽其曰覺曰悟自謂識認心之本體而不窮理以致知者陽儒陰釋既久假而不歸博覽記誦之儒遂未遺本亦多泛濫而無心得至揣摩舉業務采色誇聲音以弋取科名而理學經學視爲迂遠而弗求文卑則學就荒矣爲學者當以孔孟程朱爲準則主敬以立其體存誠以達其用博以聚之嚴以擇之密以守之篤以行之因文以見道而實踐於日用倫常進退取予動靜云爲之間庶不乖於正焉余粗知其意而行有未逮今來歐四載未能與利除弊上以報國恩下有實惠於民徒與諸生論文言之滋愧行將自引去無可爲法惟望諸生以古聖賢爲師致知力行不徒托諸空言且汝鄉景山先生既爲儒志編流傳繼起者如鮑商霖陳潛室諸君子從學洛閩著述具在他若止齋水心梅溪諸先生文章經濟亦卓然不磨高山仰止豈在遠乎

山月課遂廢

新纂

中山書院 在府治東北隅乾隆二十四年知府李琬興

建因東山書院地形卑隘乃以其舊舍爲童子學別建

於今址傍中山之麓名曰中山書院

共基地十畝二分紳士陳肯堂金珍

李敷華方純一王繩武監造

前建講堂七間中曰精勤右曰大雅左

曰修道上爲閣祀文昌右樓五間左樓十間爲肄業地

左右耳房各三間廚房夫役房十餘間傍山鑿池作三

亭爲游憩之所延師立教以朔望爲課期勒所置田於

碑陰委訓導朱葉瑛監理生員方純一王繩武司其事

督學侍郎錢維城中山書院碑記名有異而實同說有是而實非不可不察也古者國有學術有序黨有庠家有塾皆學也今郡縣各有學京師有太學皆官爲給食或賜田太學則有膏火郡縣學則有廩糧有學租以贍貧乏國家養士之厚如此而賢有司之留心教化者往往擇高第弟子員與民之俊秀別立舍以教之名曰

書院書院與郡縣學其教一也所謂名異而實同者也
癸未秋予試士温州閱郡志見李維楨郡學記曰周公
立學科條備矣孔子家在洙泗士就而學焉非創爲室
也俗儒不察別立書院召致生徒舍官師而惟是之從
於是國有二師里有二弟子夫孔子未嘗創學室是也
而以書院之設爲國有二師非也教不本於先聖先師
而流於異端曲說雖以一夫當時王叢李贄之流而不
百人猶一師也維楨蓋惡夫當時王叢李贄之流而不
知其立說之過此不可不察也温州舊有東山書院在
華蓋山雍正壬子巡道芮君復傳移建積穀山未竟而
罷今巡道鐵嶺徐君太守對城李君力與復之別擇地
中山鳩工庀材逾半歲工畢名曰中山書院而以東山
故址爲童子學凡舊田之爲吏民所隱者釐而出之於
是有學舍寡饋五縣之士絃誦其中旁及他郡嚮風而
至可謂盛矣夫教化治之先務而俗吏忽之宋光廟時
謝司諫守永嘉下車數月責民之私公田不應令者歸
之學闈郡驚歎陳傳良記之謂吏方急他務而謝獨加
意學政以爲難今二君之爲治其與司諫何如也借郡
志不載謝守事而予又無傳良之學言不足取重聊以
維楨之說論列之如右

徐綿中山書院題壁記蓋爲

政以人材爲先而人材必由造就而始盛此書院之所
 以設也國家於省會之區各建書院而郡邑中則視
 司牧者之得其人而有以振興之故舉廢恆不一既郡
 舊有東山書院在華蓋山本宋儒王儒志先生講學之
 所久圯雍正壬子觀察芮公移建於積穀山之麓而經
 費鮮資名存實去乾隆丁丑壽光蓮塘李君來守是邦
 慨然以造就人材爲己任己卯余承乏分巡君咨於予
 而與復焉且置塗田若干畝歲收租以供師生脩饌膏
 火之需申請上憲勒爲成規既而兩郡之士負笈來游
 者日益衆顧其地僻處東南隅院址逼於巖麓燥溼
 不時君慮其湫隘爰經營相度卜吉於中山之陽中山
 雖小阜而山勢合圍水流環繞形家咸謂靈氣所鍾實
 郡城之主山於是鳩工庀材經始於壬午之仲春閱十
 有二月落成崇閣靚深凡講會之堂肄業之舍俱建層
 樓於上左右則輔以大雅修道兩堂後築亭池長松偃
 蓋繞徑陰森以爲息游登眺之地而一郡書院遂得媿
 美省會之區厥功偉矣余考書院之設昉於唐而盛於
 宋而東甌之人材亦莫盛於宋維時游於程子之門十
 有三入游於朱子之門十有六人登進士科者一榜無
 慮數十登賢良方正宏詞孝廉諸科者於今姓名可考

得三百餘人其他行誼之美學術之光復難更僕數宜
乎虞文靖公目爲杞梓茂林鳳麟靈囿也今功令以五
經四書義取士而傳註悉宗宋儒余願諸生以宋儒之
精粗是學講明而切究之則經史百家之籍其源流修貫
肆者也非瞭然心目之間由是發爲文章所謂醇而後
行遠而垂後以應世固不失萬一於甲科以之傳世亦能
諸己將見人材之盛與宋抗衡事用則施諸舍則修
進也生且以見李君爲政能知所先凡司牧者皆宜取
法也書院於華蓋山之巔道學淵源從茲振起歷明以
來傾圮已盡本朝雍正間觀察芮公建書院於積穀
山之麓而仍東山之名規模畧具無師生膏火之資
迄今三十餘載寂如空谷久絕誦聲丁丑夏余來守茲
土竊以援勵人材爲念越明年道憲三韓徐公以巡旌
駐郡亦同此志命予籌畫之乃清釐舊款撥置塗田
經營三載始得延名師主講席給膏火予既序其事而
以鼓舞造就之意詳而鑄之以示多士顧其地逼城闈
而迫巖址蒸溼秋隘且負笈者絡繹至舍宇數椽不足
以容乃爲周巡相度得爽塏於中山之陽山在郡治之

東北隅高廣不十數武而含精蘊靈氣象寬博羣山環拱大江繞流真有恢擴襟懷領畧衆山之樂土則墳起而澤泉則清駛而甘坐中山而面西山之峰曰君子蓋峰之特秀者乃以經費所贏建講堂五間曰精勤層以高閣軒豁傑朗萬象在目右樓十舍左樓二十舍整潔鱗次其前爲門兩重左右廂各具後蔭長松虬幹鱗枝垂陰振響輔之以旁舍若干間然後自顧及梧士之踴踵至者可以稱藏修之所矣夫古者處士就閒燕蓋清遠閒曠之區燕適優游之地可以從容其氣體而專一其心志則學業之成未必不有藉於其地者今也遠嵐霧以安其體居高明以達其志心和形適氣靜神清聰明日以啟而精神日以勵觀摩砥礪進而有成則卽以是爲士所宜處而或可以上紹儒志東山之蹟也第膏火之資恃有塗田恐久之而有侵漏之虞爰細核其籍記之碑陰使後來者有所考以道
道光十一年署巡道賈

聲槐知府呂子班署永嘉知縣傅延燾倡率紳董葉應

宿鄧承弼等捐修

湯志

教諭孫同元重修中山書院
記温州郡城有兩書院據府志云東

山書院宋王儒志先生講學之所雍正壬子巡道芮公復傳移建積穀山之麓乾隆二十四年知府李琬因東山書院地形卑隘別擇地創建於城東北隅鹿城書院傍中山之麓名曰中山書院而以東山書院為童子學東山望課文即延本邑品學兼優之衿士主講評閱中山主講者向由中丞聘請在籍紳宦溫郡近海路遠不及到館望課文即延監院評閱余以道光丙戌冬銓補永嘉教諭丁亥春暮赴任己丑秋奉委兼理書院事每逢課期赴院監視竊見東山書院依山建屋沾受嵐溼漸有傾圮之虞因與掌教葉君應宿司事鄧君承弼公商上其事於觀察樂陵賈公太守舒城高公署太守陽湖呂公俱允所請捐廉為率不足者衿士助之約用白金千兩有零閱四月而工畢觀察為文立石記之次年庚寅余同年歸安沈君惇成銓補府學教授亦因學宮歲久未修與攝縣事傅君延燾商請道府各捐廉刑議重修即以葉君應宿鄧君承弼董其事設簿勸捐余以中山書院亟宜修葺亦當附學兼修共估工料約須白金一萬一千餘兩府學於道光十一年十月十三日開工中山書院亦於十一月十七日開工府學於十二月二日完工書院於十二月十一日完工書院於十二月十三日完

工自講堂大雅堂修道堂並書舍四十餘間及頭門二
門俱一律整治頓復舊規約用白金二千餘兩是雖各
憲美意振興文教不惜廉貲好義紳士踴躍輸將玉成
其美要皆由於葉鄧二君克任勞怨始終勤慎用節工
堅足垂永久其功尤不可沒也余適忝膺監理書院之
職曾參末議樂觀厥成爰誌始末俾鐫諸石以爲後之
實心任事者同治七年署知府戴槃葺而新之勒碑爲
勸是爲記

記戴槃重修中山書院並增廣膏火記東甌之有書院
蓋自宋儒王儒志先生於伊洛未作之先講道東山
倡明理學後人因稱爲東山書院由來舊矣乾隆二十
五年郡守李君琬既興復之乃更闢地於中山之陽爲
中山書院講會有堂肄業有舍層樓傑閣規制崇闓與
諸生藏修息游於其間所以上游宋儒而紹伊洛之淵
源將於是乎在雖然東嘉之學至朱而極盛遊程朱二
子之門者三十餘人登進士及賢良方正宏詞孝廉諸
科數百人其時固未有書院也而克自振拔如此今既
有其地矣往徂於記誦詞章之學經史典籍度置高
閣以爲無用或空疎剽竊苟焉博取浮名而已所謂通
經致用者安在宗經立義者又安在無怪自有明以後

繼起者難其人也余下車之始首以培養人材為急今
書院房屋歲久失修考試卓筦及一切物用損壞過半
乃亟捐廉一百千另籌款三百千重完治之置器具洪
繼畢備使諸生住院肄業者有託焉而增廣其膏火於
捐局串餘項下每年提錢五百千酌定每月官課生童
考列二十名者加給錢一千餘錢百千撥入肄經堂按
月加給膏火以鼓舞而作興迄今一載有餘負笈來者
日益衆課藝亦彬彬可觀蓋坊間向有餘書經集句文
賦稿余亦間有持贈受而讀之者咸知本經籍為文章
斷非虛語而醇茂淵懿之作出矣空疎剽竊之風亦少
息矣由是進而求之諸國家經濟之用紹先哲理學
之傳處為醇儒出為名臣安見元豐九先生涪熙六君
子之學問勲名不接踵而起也諸生其勉之哉是為記

肄經堂

在中山書院改脩道堂成之咸豐三年巡道廖

廉選士之秀者肄業其中專課經義詩賦仿省城詁經

精舍程式

慶廉肄經堂記既江為浙東名郡人文秀美
士之懷瑾握瑜者指不勝屈余於書院考課

添設增廣生童額數以宏作養近年來秋貢春闈
而起非敢侈言教育而斯地人材之美可概見矣
城三書院外復有詩賦爲多士培植根柢之學由
所建專習經解較遠士之嚮往者艱於資斧未由
肄業溫郡相距較遠士之嚮往者艱於資斧未由
而斯郡中山書院所延掌教遠在原籍不能來臨
而東山書院掌教向由紳士就地方素有望者
一入延請主講今年秋東山講席虛懸旋值少宗
藕船學使案臨颺郡面奉商榷分延講席一以循
校課制藝一以仿照詒經精舍式宗伯爲豫章名宿
軒所至於地方文從此海隅文物媲美湖山而科
之學提唱宗風從多士宜何如奮志勤脩深以砥
延更卜蒸蒸日上之意樂捐廉俸督率舉行茲以
余仰承宗伯求士之道所有按課花紅各項經費
命總辦兩浙即日就道所有按課花紅各項經費
府熟籌捐辦以垂永久後之君子繼長增高有舉
以仰副宗伯培養人材講求實學之至意是則余
厚望也因樂爲之記勒石永垂俾登斯堂者皆知景
云同治七年署知府戴槃增膏火以示獎勵

鹿城書院 在府治東北隅明宏治中郡守鄧淮建中祀

先賢二程子朱子張子旁祀鄉先儒從二程子者十一

人從朱子者十一人從南軒張子者一人萬曆府志

寬鹿城書院記浙水之東惟溫爲上郡非以其物產之

美山川之秀也以其地人材之多或以事

業文章在他郡固有所謂道學之士而非人能及也

內而無待於外此則所謂道學之士而非人能及也

自宋濂溪周子繼孔孟之學於千載之上一傳而爲河

南程子四傳而爲新安朱子並朱子而生者爲廣漢張

子道學既傳海內風動士相慕悅莫不奮迅而起往往

負笈振衣不遠千里以得登門爲幸講明道義羞稱功

利可喜之事辨質性命不惑佛老似是之言所謂事業

文章乃其餘事久而轉相傳授或私淑諸人其多不計

也當是時溫之士子四先生之門皆有足跡以其數計

之合二十有三人噫可謂盛矣自宋歷元至明三百餘

年凡事業文章之焜耀者郡中尚能道之顧於此諸人

若不知有其人幸其名氏言論散見於諸書者昭然猶

在有終不得而混者宏治辛酉吉水鄧侯來爲郡守凡
所以惠乎民者既無不至間考諸賢竦然與歎曰此邦
先哲之盛如此而吾守此土居士民之上於一夫有善
尙當表揚之况多賢如魯者乎且祭法勤事捍患者亦
祀之况有關於世教者乎此其責不在我而誰承嘉令
新安汪君循好賢方切乃奉侯之意擇地於郡之鹿城
躬自計度創爲書院作堂若干間中奉四先生傍則諸
賢列侍像設旣完版位斯置其氣貌若相接其警教若
相聞儼乎函丈之間師弟子之相授受也又闢館舍若
干間使士之學於斯者居之其規約仿白鹿洞而行其
所以勸乎人又無不至者適侯與汪君以公事至京事
畢偕來請記竊嘗觀孔子設教於洙泗之間一時弟子
莫非齊魯之產惟子游自吳而至惟願去閩願其學於中
國亦惟陳良一人自楚而至惟願去閩願其學於朱
子亦宜若去洛則遠矣何程門諸賢之多不減於閩耶
吾是以益歎其盛非特當時不能及而已侯爲此舉固
出於尊崇先哲之意然所以望於後學者尤多蓋四先
生世不常有而其書則常存學於斯者出而升堂則仰
而挹其清怡之容入而讀書則俯而探其精微之旨以
守義理以樂名教以無愧於鄉之諸賢安知後世無賢

守令者爲組 萬厯十六年知府衛承芳重建二十四年
豆其間哉

知府劉芳譽新之

國朝乾隆二十年知府俞文漪率衆重修建講堂俱見舊志

學都憲雷鉉碑記東甌鹿城書院有四賢祠祀二程子
朱子及南軒張子也以東甌賢士多從四賢游者不
其淵源用興起後學故列從游諸君子配享之位已
歷年所兵燹後僅存數椽且近朽蠹余祇謁恣然與
守俞君永嘉令崔君商所以復之既而教授王君執玉
進曰邑明經吳國清願膺是役而明經林翔鷺梁春戴
翔鶴咸量力以飲之及期年木石甃瓦塗墍丹雘重
一新規制加擴前爲祠後爲講堂統名鹿城書院如舊
稱於是歎先賢遺躅易以振興不憂來者之無人也
四賢之道炳如日星惟患汨於嗜欲徇俗苟安如適
而北轅却行而求及前人耳今日者瞻望門牆拜趨
城有不慨然慕奮然興者乎且夫石甃瓦塗墍丹雘
尙有貧而莫能與者有志之士就此慨然奮然之一
矢之以必從持之以不息知俸此卽爲自暴舍此卽爲

自棄讀書以擴其識見飭行無慚其衾影有不克爲繼起之後人者乎且相觀而善切磋砥鼓舞勿哂爲迂勿畏爲難安在繼起之人不如當日從游之盛乎况既躬親拮据以有成者又素皆克敦行誼之士豈不教其子弟而徒爲觀美之具乎是則使者與守令師儒諄諄屬望之意也

浮沚書院

在城內松臺山下小雁池東宋周行己故宅

初名浮沚後改爲書院今圯

康熙府志
詳古蹟

永嘉書院

在城西南淵源坊宋淳祐壬子王提刑致遠

陳資講南一建趙守師籤立坊表之中奉先聖燕居像

東室祀伊洛諸子西室祀鄉先賢周許二劉鮑敬亭等

春秋次丁釋菜元旦冬至行禮後增祀葉西山陳潛室

王存樂每月朔請鄉先生主講席元至元三十一年總

管夏若水重建講室四齋久廢

康熙府志

雞鳴書院

在縣學文廟西明宏治間知縣林廷璵建萬

曆十四年知縣蔣行義重建二十四年知縣林應翔重

修改名文昌會館

萬曆府志

今廢

龍渠書院

在縣學文廟西嘉靖二十年邑人王澈等建

中祀知縣林廷璵久廢

舊志佚今據洪光世龍渠書院祠記補碑文詳壇廟按此碑在

今文廟西文昌閣內疑卽雞鳴書院所改建者萬曆間仍復初名故龍渠之名遂廢

芙蓉書院

在習禮坊開元寺中明邑人侍郎王瓚讀書

於此有芙蓉五月先花遂聯魁及第故名今廢

萬曆府志

李東陽芙蓉書院詩云芙蓉自是秋江花含風浥露滋紅霞誰教五月吐奇秀不道人間有歲華永嘉郡中滿

花院開元寺裏尋常見勝事猶傳乙卯年清標已作冰
霜面鹿鳴有宴樂嘉賓雁塢題名及早春共言此瑞不
虛應果有人傑占花神玉堂天路時來往碧桃紅杏誰
爭長出水應憐太白詩凌空忽下仙人掌兩京官舍無
花開十年心想真悠哉憑將錦
繡江山色傳與丹青畫手來

敕建貞義書院 在五都姚溪邑人大學士張孚敬未第

時溪許讀書及入相奉敕建院名貞義堂名抱忠今廢

乾隆府志

按張氏聞知錄有羅峰書院在瑤溪山中

考廣輿記初名羅峰書院嘉靖時賜名貞義瑤溪卽姚溪聞知錄兩載之疑誤

既江書院 在拱辰門外江許乾隆府志今廢

羅山書院 在永場二都光緒七年二月知縣張寶琳捐

廉新設新纂

社學

在城十在廂四在鄉十八

康熙府志

今廢

義塾

按康熙府志載義學四所在城四隅康熙二十一年知縣鄭廷俊立延文行之士四人講業歲給廩脯親詣考課訓導蔡啟份捐助紙筆今其地久廢無從稽考附識於此

柘溪義學

在楓林乾隆間縣丞何森倡率里人徐元常

等建

乾隆府志

今廢同治十年署知縣曾傳楷以楓林縣丞

署爲之

新纂

東甌義塾

在木杓巷道光二十五年知府張瓊建勒碑

爲記

蓋聞風俗之淳由於教化性情之厚端在童蒙古者國學而外有黨庠術序卽今之郡縣學是也庠

序外

有家塾說者謂二十五家爲閭閻有門左右兩塾謂之小學所以啟童蒙也後人師其意而義塾立焉京

師爲首

善地有勉善堂義塾四方則而效之者所在皆是東甌舊設中東兩書院原以培植人材顧小學缺如

孩提之童孤貧廢學仁人憫焉非所以啟童蒙而宏教化也予下車以來於書院課士之暇卽與司事鄧生承弼謀之欲覓一靜地適處一城之中者乃得於木杓巷購屋九間修棟宇備器具設立條規延師教授名之曰東甌義塾庶幾蓬戶華門之子咸知說禮樂而敦詩書焉所以推廣勉善堂義塾之意而補兩書院之所不及也雖然涪蹄之水不足以成滄海之觀培塿之邱不足與語泰山之峻所願同志之士踵而行之由城中而附郭而遠郊推而至於窮鄉僻壤靡不設塾而延師焉將見後生小子得所裁成其樸而愿者不失爲自好之士秀而文者盡成爲有造之才性情由此厚風俗由此淳古者家塾之設亦由此而復也易曰果行育德書曰樹之風聲吾知都人士必蹶然而興將與守土者樂觀厥成焉是爲記新纂

三府義學

在通判署大門右

新纂

溫衛義塾

舊在溫州衛署西乾隆三十二年溫州衛黃

大馥捐廉重建四十二年溫州衛安如崙脩同治四年

署温州衛張均脩俱有碑記光緒五年改爲溫衛義倉移義

塾於新河街之真武宮今移於衛署西南

永嘉義學 一在鹿城書院內一在習禮坊莊公祠內舊

名習禮塾

乾隆府志

光緒二年署知縣潘駿復設名東嘉義

塾一在新河街吉士坊橫街西土地祠巷內六年知縣

張寶琳新設名吉士義塾

新纂

書塾 附

經行塾 在通道橋宋丁昌期設教子寬夫廉夫繼之

東山塾 在謝池巷宋周太博立延沈躬行戴明仲設教

孝廉塾 在仰解元巷幙頭河宋仰忻立

草堂塾

在城南廂宋張輝設教子孝愷孫純繼之

按止齋集

孝愷子名東野作純疑誤

城西塾

在城西宋鄭伯海立學者數百至今稱學堂前

少南塾

在五馬坊宋陳鵬飛立以經學教授鵬飛字少

南故名

南湖塾

在城南茶院寺東宋毛密立延陳止齋講學蔡

尙書葉水心陳潛室繼之

吹臺塾

在吹臺鄉宋吳滌立設教後郡守楊簡禮之易

名慈湖塾

德新塾

在郡城德新坊宋歐歛子朱聳建延師儒蔣惠

設教嘉定間裔孫平叔繼之郡爲立坊

雅俗塾 在雅俗坊薛氏延師設教郡爲立坊

松臺書塾 在松臺山下明邑人張少師孚敬建

菰田塾 在仙居鄉五十二都戴氏立

茗嶼塾 在清通鄉里人陳順辰立延戴守雨設教已上見康

熙府志
俱久地

習禮塾 在習禮坊詳前永
嘉義學

永嘉縣志卷七

--	--	--	--